

Na osnovu člana 20. stav 1. tačka 1. i 2. Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine”, broj 32/01 i 48/11) i člana 6. Statutarne odluke o organizaciji Grada Tuzle u skladu sa Zakonom o gradu Tuzla („Službeni glasnik Grada Tuzla“, broj: 1/14, 3/15, 7/15, 12/15), Gradsko vijeće Tuzla, na sjednici od 30.01.2019. godine, donosi

ODLUKU

o usvajanju Vodiča za pristup informacijama i Indeks registra informacija pod kontrolom službi za upravu, stručnih službi i upravnih organizacija Grada Tuzle

Član 1.

Ovom Odlukom se usvaja Vodič za pristup informacijama pod kontrolom službi za upravu, stručnih službi i upravnih organizacija Grada Tuzle i Indeks registar informacija pod kontrolom službi za upravu, stručnih službi i upravnih organizacija Grada Tuzle (u daljem tekstu: Vodič i Indeks registar).

Član 2.

Vodič i Indeks registar sastavni su dio ove Odluke.

Član 3.

Stupanjem na snagu ove Odluke, prestaje da važi Odluka o usvajanju Vodiča za pristup informacijama i Indeks registra informacija pod kontrolom službi za upravu, stručnih službi i upravnih organizacija Općine Tuzla („Službeni glasnik Općine Tuzla”, broj 3/14).

Član 4.

Odluka stupa na snagu danom objavljivanja u „Službenom glasniku Grada Tuzla”. Vodič i Indeks registar će se objaviti u „Službenom glasniku Grada Tuzla” i na web stranici Grada Tuzla (www.tuzla.ba).

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj: 01/05-A-661-2019
Tuzla, 30.01.2019. godine**

**PREDSJEDAVAJUĆI VIJEĆA
Dr.med.sci. Aleksandar Vujadinović**

OBRAZLOŽENJE

Pravni osnov za donošenje Odluke o usvajanju Vodiča za pristup informacijama i Indeks registra informacija pod kontrolom službi za upravu, stručnih službi i upravnih organizacija Grada Tuzle (u daljem tekstu: Odluka) je član 20. stav 1. tačka 1. i 2. Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine”, broj 32/01. i 48/11.), koji glasi:

„Javni organ dužan je da objavi:

1) Vodič koji svakom licu omogućava pristup informacijama pod kontrolom javnog organa i koji naročito uključuje: informacije potrebne za obraćanje javnom organu i službeniku za informiranje; bitne elemente postupka podnošenja zahtjeva zajedno sa uzorkom za informiranje, bitne elemente postupka podnošenja zahtjeva zajedno sa uzorkom zahtjeva u pisanoj formi; informacije o vrstama izuzetaka, postupku pristupa informacijama, troškovima umnožavanja, o pravnim lijekovima i svim bitnim rokovima. Vodič upućuje i na indeks registar u skladu sa tačkom 2) ovog člana, kao i na način pristupa tom registru. Vodič se dostavlja ombudsmenu, svakoj općinskoj i pravnoj biblioteci u Federaciji i, ako je to moguće, objavljuje putem Interneta, a dostupan je na zahtjev. Vodič je besplatan.

2) Indeks registar koji sadrži vrste informacija koje su pod kontrolom javnog organa, oblik u kojem su informacije dostupne, kao i podatke o tome gdje se može pristupiti tim informacijama. Ovaj Indeks registar dostupan je u skladu sa obavezama dostavljanja utvrđenim u tački 1) ovog člana.“

Razlog donošenja ove Odluke je usaglašavanje iste sa Zakonom o Gradu Tuzla („Službene novine FBiH“, broj 80/14) i Statutarnom odlukom o organizaciji Grada Tuzle u skladu sa Zakonom o gradu Tuzla („Službeni glasnik Grada Tuzla“, broj: 1/14, 3/15, 7/15, 12/15), te stavljanje u nadležnost Službe za opću upravu i zajedničke poslove, poslova vezanih za pristup informacijama pod kontrolom službi za upravu, stručnih službi i upravnih organizacija Grada Tuzla.

Imajući u vidu da su u 2017. godini vršene izmjene i dopune Odluke o organizaciji i djelokrugu rada uprave Grada Tuzla, došlo je do određenih izmjena, u pogledu naziva službi i nadležnosti istih u Indeks registru informacija pod kontrolom službi za upravu, stručnih službi i upravnih organizacija Grada Tuzle.

Imajući u vidu sve gore navedeno predlaže se donošenje Odluke o usvajanju Vodiča za pristup informacijama i Indeks registra informacija pod kontrolom službi za upravu, stručnih službi i upravnih organizacija Grada Tuzle, sa Vodičem za pristup informacijama pod kontrolom službi za upravu, stručnih službi i upravnih organizacija Grada Tuzle i Indeks registrom informacija pod kontrolom službi za upravu, stručnih službi i upravnih organizacija Grada Tuzle.

OBRAĐIVAČ:

Služba za opću upravu i zajedničke poslove